

Hic, & Ubique Venus.

SIVE

Opportunitas Fax Amoris.

Subnexio


Dissertatiunculis Quatuor,

**De Causis Naturalibus, Utrumq;
Sexum in Amorem incitantibus.**

Ex Genio B. H. A. M.

LONDINI,

Impensis Authoris, 1667.



EPISTOLA

De Matronâ Ephesiâ

Viro cuidam Illustri.

Illustris Domine,



T tibi ostenderem, quàm absolutum in me habes imperium, & quantum mihi superest facultatis, vel firmissimis mei Genii affectibus obsequendi, ubi ex tuis tandem jussis intelligo, me tuis morem gerere debere; acriter mecum pugnavi, ut innatum à scribendo horrorem superare, ac in di-

Epistola.

*em unum aut alterum feriantem diu
calamum resumpsi, sortitus in Argu-
mentum historiolum compendiosum,
ejusmodi profectò, ut ejus veritas
inventionis meae sterilitatem supple-
ret, ejusq; jucunditas, styli mei in-
elegantiam, ingeniiq; morositatem
minùs redderet ingrati. Tractat
de formosâ ac ingenuâ muliere, cujus
casus tam digni memoriâ sunt habiti,
ut ab ipsius temporis diuturnitate,
quâ multi potentes Monarcha ab-
sorpti sunt, oblivione sepeliri non
potuerint: neq; enim complures
docti, praeclarique ingenii viri, infra
calamorum suorum dignitatem, eo-
rum monimenta posteritati mandare,
existimârunt.*

*Nomen mulieris tibi edere nequeo,
Authoribus quibus usus sum, in hac
parte unanimiter conticentibus; at
tibi licet, si libet, Peregrinam
Græcam eam nuncupare. Postquam
eam Græco, Romano, Germanico,*

Epistola.

& Gallico cultu videram ornatam,
& tam nativum in eâ conspexeram
decorem, ut sub unoquoque, quo in-
geniosi eam externi consinnârunt,
habitu, lepida atq; amabilis vide-
retur; necnon certior ab iis factus,
vel Principes ipsos, summâ eam
aliquando fovisse gratiâ; in men-
tem mihi venit, eam more Anglico
etiam vestire, quò tu eam nosceres,
& an hic nostras amictus, non aequè
ac cæterorum quisvis, sit elegans
atq; decorus, judicares. Si fortè
mundo nimis gravi atq; solenni eam
indui, pro genii mei more, (qui tri-
stioribus sanè coloribus, & vestibus
inambitosus atq; utilibus delectatur)
adeò ut jam Philosophi potius quàm
Aulici videatur Amica, id equidem
feci, quia nolui eam videri prorsus
alienam, ac moris hodierni insciam;
ubi summa levitas atq; licentia,
severissimis vultibus, & cultui
quàm maximè sobrio involvuntur,

Epistola.

ac fluxum plerumq; libido verecundia usurpat velum. Neq; enim gemmis aut lascivis ornamentis eam fulgere volui, tum quia ipse non habeo, tum quia illis solum competunt, quæ quum ad spectantium intuitum explendum nativa illis desit pulchritudo, quò minùs defectus suos discernant, Margaritarum, Adamantum, & Carbunculorum fulgore eorum captant oculos; quando hæc nostra Matrona tantum Naturæ largitati debet, ut vilem Artis munificentiam dedignetur, ac tam facile ei persuadeas ut fiat Adamita, quàm ut lapillis utatur pretiosis. Attamen tibi recipio, sindonem ejus elegantem, mundam & candidam esse, licet impolitam, & nulla turbasinitentem; & quoniam luget, atro eam operii velo, quod quoties rubores contegendi exoritur occasio, deducit; & ubi apertiori libet esse fronte, & subridentium oculorum

Epistola.

rum fascina detegere, replicat.

Neq; etatem ejus accuratè tibi ex calculo significare possum, quamvis ad Imperii Romani etatem, quæ est aliquot centenis annis Vago Judæo superior, eam propè accedere conjiciam. Sed non est quod hoc te despondere faciat; est enim adhuc juvenis, vegeta atq; lasciva, nec ulla in ejus ore ruga; adeò ut cuidam generoso, qui me in ejus consortio ex improvviso oppressit, fidem facere haud potuerim, quin mea esset filia. Porro, quicquid immortale est, (ut illa videtur esse) usque (scis) juvenescere ac florescere debet.

Si Religionem ejus petis, fateor me etiam nullam tibi posse dare rationem, quum (contrà plerarúmque ejus Sexus morem) in hac parte apprimè sit cauta. Atqui si ex quibusdam ejus actionibus conjectare licet, crederem illam Epicuri fidem profiteri, Naturæ matris auspicia sequendo, &

Epistola.

juxta simplicem affectuum suorum
regulam degendo, ut quæ contradi-
ctionem reatur, sub unâ lege nasci
& alterâ teneri; aut saltem Famil-
iæ Amoris esse sororem, quæ, quic-
quid libertatis cum Fratre Sancto
exerceat, nihil habet pensi, & fa-
miliaritatem suam zeli fervore &
Spiritus suggestionibus tueri susti-
net. Noli igitur Vestalem eam ex-
istimare, aut quæ Natura consilium
pervertere statuerit, & Creationis
sua finem abjuraverit, licet in Cryp-
ta lugentem, ac parvulum cereum
videas juxta eam ardentem: est
enim reverà Sacerdos Cypria, va-
luptatis Dea sacra, Priapi zelo ac-
censa; cui, quum Altari, Thure,
& Igne instruatur, nil aliud deest,
præter Flaminem, ad ejus sacrifici-
um animandum.

De Ingenio ejus si quæris, perfe-
ctam eam in omnibus deprehendes
mulierem; leviter mutabilem, ab
animi

Epistola.

animi aestibus raro immunem, eodem
 temporis articulo flentem simul ac
 subridentem, unâ operâ ex Ossuario
 in Thalamum exsiliensem; violentum
 ob maritum nuper vitâ defun-
 ctum, dolorem, in novi Amatoris
 amplexuum solatium convertentem;
 nunc ima desperatione furem, nunc
 summa fruitione gestientem; modò
 seipsam interficere conantem, modò
 alteri procreando operam dan-
 tem, ac posteritati prospicientem;
 prudentiorem, quàm ut blandum of-
 ficiū respuat oblatum, aut propiti-
 am negligat opportunitatem; vel
 advenæ & ignoto, ac primo con-
 gressu, perquam facilem atq; ami-
 cam; libertate, ac blanditiis, ubi di-
 liget, plenam; ad amici errores ex-
 cusandos juxta ac palliandos promp-
 tam; ac in commentum, quo repen-
 tivum & imminens periculum aver-
 tatur excogitando, mirabiliter inge-
 niosam. Et quid amplius desiderare
 potes in muliere?

Epistola.

His omnibus eximiis dotibus non obstantibus, liceat mihi non solum rogare, sed adjurare etiam te, ut eam arētē in Gynecaeo tuo teneas captivam, quō nullis, nisi tuis patefcat oculis. Non quod pudicitiam, aut famam ejus habeas suspectam; (altera enim vel ipsius Petri Aretini, si vivo cum vivā intercederet consuetudo, illecebris repugnaret; ac ipsa satis pollet ingenio, ut alteram sartam tectam servet) sed nē contumeliis & injuriis ab Heroinis nostris impetatur, quā cum tanta imbecillitatis fæminā, ut sexūs sui fragilitates, ac arcana prodat, atq; aperiat, in gratiam nunquam redibunt. Præterea, quod cum earum delicio, Amore Platónico, ex professo bellum gerit, ingenuēq; fatetur se nullas alias agnoscere flammās, quā quæ è sexūs differentiā nascuntur, ac in sanguine, aliisq; luxuriantibus corporis humoribus accenduntur; atq;

adeo

Epistola.

adeò suos Amores ad aliquid magis
 Materiale, quã simplices Virtutis Ide-
 as, de quibus Philosophica Domina
 nostrates tantoperè fabulantur tende-
 re propagandum: Quàm Hæreticam
 Doctrinam si tandem ab illâ prædi-
 catam accipient, non omnes in orbe
 armata Acies eam ab Orphei fata
 propugnabunt; neq; verò ipse tu
 Domine, cum omnibus orationis tue
 elegantis, reliquisq; demulcendi
 artibus, causa ejus patrocinari, ac
 ab odioso Mulierum Oforis nomine
 te ipsum tutari poteris. Ut igitur
 hujusce Ephesiae societatem ac Do-
 minarum gratiam pendis, fac eam
 tibi asserves: sin aliter fieri non po-
 test, quin te ex eorum apertorum
 numero, qui nullam voluptatem ple-
 nam esse putant, donec eam jactita-
 verint, ostendas; sacris tamen ami-
 citiæ legibus tam equus esto, ut quis
 eam in Britanniam, ad tuum dū-
 taxat animum clam oblētandum
 duxerit;

Epistola.

*duxerit, nunquam patefacias ; ac
deinde, qui ei malè volunt, Mag-
num Oraculum suum Lillium con-
sultum adeant, quo pacto reperire
possint,*

Honoratissime Domine,

Humilimum tuum
Servum, &c.

LUSUS



LUSUS SERIUS

In Petronii Arbitri

Matronam Ephesiam.



ERCATORIS cujusdam
Ephesi filia, admiran-
tiam istius populosa &
opulentæ urbis Juve-
num oculis diu petita,
ac à multis, quorum
amplæ facultates spem illis dederant ad
exitum votis suis congruentem perve-
niendi, in matrimonium ambita fuit.
Nec potuerunt eorum vota non esse, &
justa & laudanda, dum figebantur in
virginem, ad quam summis ornamen-
tis

tis illustrandam, formæ præstantia, ingenii acumen, animi ingenuitas, modesta educatio, & (quæ his ancillari solet) honesta fama, conspirarant. Hæc virgo, inquam, in uxorem tandem dabatur nobili stirpe Juveni, in quo nihil quidquam desiderabatur quod illum & bene ornatum, & amore dignum redderet, præsertim in hujus oculis, quæ paribus illum flammis redamabat, nec aliam volvebat animo felicitatem, quàm mutuum ejus affectum atq; consortium. Aded ut omnes (exceptis unicè æmulis) beatitudinis mortalis summam, ex tam insigni conjugio conjicerent enaturam.

Sed ecce humanæ felicitatis inconstantiam! Quippe hoc par Turturum non diu mutæ consuetudinis perceperat voluptates, quum Fata, perrarè amantibus diu propitia, irruerent, & æterno mortis divortio eos derimerent; marito ad diuturniarum deliciarum statum ablato, & misellâ viduâ tam funesti mœroris gravamini relictâ, ut à calamo quantumvis Tragico haudquam describi possit: tam violentus enim

enim erat ejus luctus, ut brevi profectò morâ, tam tenerum delicatúmque corpusculum proculdubio exanimasset, nisi consilium condendi *Suum Charissimum Totum* (sic enim solebat eum appellare) in tumulo, ea pompâ, & exequiis, quæ ejus natalitiorum gradui, suóque dolori competere viderentur, aliquantum ad salutem ejus conduxisset. Imò & hoc, tantùm fortuitum erat præsidium, ac ejusmodi etiam, ut ad ejus eventum rectè collimare non valuerit, cunctis vulnerati ejus animi facultatibus imagine jacturæ correptis, omniq; solatii lumine excluso, præter exiles, & languidos istos radiolos, qui, è spe properandi, eúmque prævium assequendi, in nubilâ ejus mente aboriebantur.

Sed eheu! multum de ejus fidelitate videor detrahere, quum spem dico; quippe in consilium jam adoleverat spes, idque firmo animi Sacramento munitum, vel ipsius mortis maliciam superandi, ac maturâ manium in Elysio reunionem, eam in altero mundo recuperandi voluptatem, quam in hoc, Deorum crudelitate sibi lugebat ereptam.

Et

Et secundum hoc nimis rigidum Sacramentum omnigena alimenta spernit : nihil, præter auram frigidam in os admissio, simul cum lacrymis ab, olim lucidis ac rutilantibus, nunc verò nubilis & tumefactis, oculis, perpetuò stillantibus : atq; hoc, importunis parentum, & amicorum ab una parte, precibus, ab altera verò Naturæ necessitatibus, quæ acriter illam urgebant, ut sui misereretur, sibiq; opem ferret, contemptis. In hoc lugubri statu dies integros quatuor noctesq; consumpsit, omnium rerum conspectum, præterquam quæ à dolore ei inferebantur averfata, & confusam perpetuo cruciatu torquens memoriam, quo lapsarum felicitatum referret imagines, & præsentis ærumnæ sensum aggravaret. Quod tamen ad suam perniciem maturandam non suffecturum rata, in ipsum hypogæum, ubi viri ejus reliquiae recens erant conditæ, clanculum se confert; ibiq; in udum recumbit solum, fixis in ejus arcam oculis, ne fortè cogitationes à proprio objecto aberrarent.

Hoc (dicet quispiam) erat rarum muliebris constantiæ indicium, & tantâ profecto admiratione dignum, ut jam in confesso sit, huic piæ Matronæ, in istarum heroicarum conjugum coronâ, quæ meliori sui parti (Maritis puta) superesse dedignantes, pro singularis fidei, amorisq; conjugalis exemplis, posterorum laudibus in cœlum feruntur, jure merito Laurum deferri debere. Et ego quidem ingenuè fatebor, permagnum debere esse amorem ejus, qui illam ad tam generosum doloris gradum, & ad tam magnanimum consilium evexerit; atq; adeò non dubito, quin tua misericordia eòsque permoveatur, ut ejus periculo te jam tangi sentias, ac lubens in cryptam, ut eam à tam imminenti, tamq; crudeli morte vindices, irruere velis. Sed eheu! stat illi sententia; & tua humanitas in ejus calamitatû protractionem tantummodo degeneraret. Quippe in vitâ nihil sensit deliciarum, nisi in Amatoris sui (cujus portio mortalis jam in vinculis æterni somni jacet) consortio, atq; adeò vel levissimi vivit solatioli incapax, nisi

ab

ab hoc, quod ipsa celerius occurrens, dilectam ejus umbram extipiat amplexu. Siquid igitur tua commiseratio ad solamen requiemq; ejus valet, in illâ occidendâ exerceatur, & gladii tui benevolentia tabificos famis, fletusq; ejus cruciatus antevertat. Atqui scio te benigniore esse animo, quàm ut illam extinctam velis; sed tamen, vel semel cogitare, illam, post hæc omnia, cum vitâ in gratiam redire posse, esset & ejus, & totius Sexus odium in te lacessere. Quid igitur agendum, ut ejus saluti consulatur? Agedum, expecta paulisper, & videbis, quanto miraculo Fortuna, quod tibi, ceterisq; ejus amicis gratificetur, eam servarit incolumem.

Fortè evenit, quod eo ipso die, quo justa ejus marito persolvebantur, & corpus ejus in Majorum Mauseolo condebatur, homo insigniter flagitiosus extremum patiebatur supplicium, ejusq; cadaver in terrorem viventium, ut tam funesto spectaculo moniti istiusmodi scelera caverent, suffixum patibulo linguebatur. Et ne quis Scelesti affinis, five

sive socius laniatum corpus tolleret, & clam noctu inhumaret, Edicto publico cautum est; ac jussu Magistratus statio militum propè patibulum excubabat, capitali supplicio ei, qui incuriâ, somnolentiâ, aut absentia, officio suo deesset, renunciato. Attamen initâ jam nocte, milites tam levi munusculo unum suffecturum rati, sorte inter se agitant, cuinam eorum obtingat excubare; & cum sors caderet in quendam, de cujus vigilantia dubitandi non erat locus, reliqui omnes, quo melius à gelidæ crudæq; noctis injuriâ seipsos tuerentur, in proximum œnopolium se recepere, hoc uno ad cadaveris custodiam relicto.

Illi verò non prius abierant, quàm hic etiam frigoris impatiens, & neminem vitæ periculum quo lacerum Furciferi cadaver suffuraretur, aditurum confusus, suffugium ipse, & quietem meditatur; atq; adedò recordatus, spatiosam quandam Cryptam (eandem scilicet in quam pullata Matrona nostra seipsam abdiderat) esse sub Templo è regione cujus erigebatur patibulum, in
eam

eam se subducit, occultâ sui boni Genii manu haud dubiè ductus. Fornicis fauces ingredientis, oculi exilis, languidulæq; lucis radiis, ab altera ejusdem orâ emicantibus, ex improvîso salutantur; ad cujus conspectum horrore subito correptus est; quo tandem gradatim vaneſcente (quippe omnia formidolosa primo intuitu videntur maxima) curiositas mox subigit metum, eumq; propius ducit, dum tandem conniventis cerei beneficio (qui horridam loci opacitatem nondum superaverat) aliquid cernere potest, quod speciem mulieris refert, cultu quidem luctuoso, sed vultu longè tristiori, humi recumbentis, brachiis in morem supremi doloris complicatis, & capite tam negligenter demisso, ac si in Sandapilam ante pedes ejus positam esset delapsura. Ad hoc tam novum mœstumq; spectaculum aliquandiu attonitus hæret, ac animo reputans visum phantasticum non posse esse, quum omnes, de Umbris, Spectris, Dæmonibusq; humanâ formâ apparentibus fabulæ, nihil aliud sint, quam fraudulenta Satraparum, Sacer-

do-

dotumq; figmenta, quo vulgus in tenebris probitatem colere cogant, ac metu à vitiis absterreant eos, qui solo virtutis amore ducti eam non persequerentur; cunctas inanes terroris imagines abarcat, & ad cereum intrepidus progreditur. Impedimento intervalli quo oculorum ejus acies obtusa ita perfringebatur, ut quod mirabatur, accuratè perspicere non posset, nunc amoto, calamitosam Dominam impensè contemplatur, & protinus sensum suum nullo phantasmate delusum comperit, sed reverà mulierem esse quam cernit, prout primo intuitu augurarat: neq; enim luctus & languoris Matronæ eclipsis obstaculo esse potest, quo minus nitorem quendam fascinantem, & speciosa vultus ejus lineamenta irradiantem facilè deprehendat; simul cum tremendâ quadam & majestate plenâ suavitate, qualis reverentiam cultumq; intuentium animis incutere solet, & quæ perpetua formæ singularis comes, sub alienissimo cujusvis affectus habitu latere non potest. Hic venustatis ejus divinitate animum militis ab una parte

cor-

corripiente, & prodigioso cultu ab altera eam obscurante, tanto stupore obrutus hæret, ut non procul à statuâ abesse videatur. Sed lumine rationis, istas anxietatis nubes paulatim per rumpe, atq; disjiciente, animum resumat, ac eam alloqui statuit; quod quum facturus est, evenit, quod Matrona, fesso capite sublato, explicitisq; oculorum velis, (quæ hætenus obducta permanserant) quò paululum mutato gestu, quiescant, conspiciatur hominem, aut Umbra (nam adhuc dignoscere nequit) sibi assistentem.

Inopinato spectaculo primùm levitèr perculsa est: sed dolori penitus intenta hæret, ac si animi certa sit extremum malorum se jam passam esse; atq; adeo si Umbra sit, nullum aliud nuncium afferre, quàm ut se invitet, acceleretq; ad locum, quo Charissimus ejus Confors præierat; si homo, tam inhumanum esse non posse, ut innocui sui luctus quietem interturbet. Hæc argumenta (inquam) illam tam cito sibi restituerunt, ut adventus ejus rationem poscere sustinuerit; quod his ferè verbis exorsa est,

Amice

Amice (inquit) (& quisquis es profecto, nihil aliud potes esse mihi, quæ nullum habeo (præter vitam) inimicum) ecquid vis mecum? Si quid vis, dic liberè; etenim vel pessima quæ asferre potes, audire non horrebo. Quippe Fatum cruentissimo perniciosissimòq; pilo suo me jam transfixit; atq; adeo quæcunq; secutura sunt, gratiarum loco accipiam. Calamitas mea, quamvis permagna, hoc solatium sibi fert annexum, quod major esse non potest. En tibi hîc (Arcam digito ostendens) hîc jacet cor meum, mortuum, ac marmoris instar, frigidum; & si ipsa tibi superstes videor, in causa est) tantum, quod mœroris anima me vivam tenet paulisper, dum meipsam accingam, ut idonea descendam Umbra, ejus Umbræ comes, quæ jamdiu me præstolatur. Sin autem fors te huc adduxerit, cur non abis? Quid unquam injuriæ tibi feci, quo impulsus mihi sic invides pacem hujusce solitarii recessus, loci nimirum defunctis, duntaxat sacri atq; peculiaris, in quorum dormitorium irrumpere, nisi *Lugentibus*, scelus est (non nescis)

ægrè

ægrè expiandum. Abscede igitur sodes, priusquam gravius pecces, ac sine me absolvere sacrificium, ad quod hîc loci immolandum, & fidei & voti vinculo obstringor.

His vocibus, subiracundè sanè, & tam vehementer ac semi animis ejus corpusculi debilitas ferebat, prolatis, miles modestè refert; nullo se consilio, ad illam saltem spectante, sed casu tantummodo ductum, in hunc locum, ubi nihil præter horrorem atq; insalubres vapores sedem habere autumat, pervenisse; conspectum mulieris illic, nocte intempestâ, solitariae, ac tam insolito cultu gestûq; apparentis, satis esse causæ, cur detur admirationi suæ venia, atq; adeo curiositati, cui uti satisfacere, ad eam accessisse. Quod si hoc facto imprudens illi obstiterit, quo minus pacatè funestos hos ritus, quibus anxius ejus genius delectatur, (qui quales sint nescit) peragat, se culpam hujus infortunii deprecaturum. Verùm, quoad Manes, quorum corpora ibi deponuntur, seipsam prorsus sentire insontem, ut qui nullo tam atro propo-
sito

sito ductus ed venerit, ut reliquias eliminare, sive sepulchra eorum violare velit. Deniq; si ingratus illi adsit, (cui animi serenitatem vultus suavitati optabat parem) se statim decessurum, licet ingenii sui liberalitas non patiatur, quin aliquam doloris ejus partem ipse sentiat, atq; adeo moveatur, ut illi, quod potest offerat auxilium; quod tamen magnum fatetur non esse, si ingens, inter sortis suæ tenuitatem, educationisq; rusticitatem, ab una parte disparitas, ac prudens consilium, argumentaq; consolatoria quibus ipsa caret, ab altera æquâ lance pendatur. Utcunq; verò, si ejus opera, imò vita ipsa, ei usui esse possit, liberum in utramq; accipiat arbitrium. His dictis, filescit.

Ad hæc Matrona, mirâ viri humanitate atq; clementiâ, (quem ex armaturâ agnoscit esse militem, atq; adeo responsum atrocius, magisq; ad ejus ordinis ac professionis homines, accommodatum, sollicitè expectat) nonnihil tacta, conatur assurgere, & cum gratis benignitati ejus debitis illum dimittere; quum macerato ac languido ejus corpusculo,

spiritibúsq; exantlatis, animæ ejus imperio fungi non valentibus, Syncope delapsa, in mariti sui Arcam elinguis & enervis procumbit. Quo viso, pius miles, ne ultimo suspirio quod è pectore cadentis erupit, animam ipsam exhalasset veritus, ingenti stupore percussus est; usq; adeò tamen mentis compos mansit, ut eam ulnis sublatam, leniter reclinato capite, & vino ex utri (quem, quo contra coeli frigiditatem, humiditatémq; seipsum confirmaret, secum attulerat) ori ejus infuso, ad vitam revocare festinaret. Quod quidem deficientes ejus Spiritus tantopere reparavit, ut corde ac arteriis intermissos pulsus renovantibus, derepente ad se redierit; sed tam languidè tamen, ut quamvis vitalia ejus Organa officiis suis rectè fungi viderentur, cætera quæ sponte moventur, funditus deficiebant. Quod animadvertens miles, ac nihil dubitans, quin quum à vi vini tantuli ei infusi, tam feliciter medelam ejus auspicatus sit; idem, si modo uberiori subministretur, eam prorsus absoluturum, utrim secundo ori ejus admovent, &

& haustum copiosum eam imbibere cogit. Merum autem, subtilitatis suæ ope, mox per totum ejus corpus diffusum, & spiritus immodico dolore, longâq; inedia consumptos reficiens, tantum in illa potuit, ut jam non solum vitæ, sed viribus internis etiam, ac se movendi facultati (oh! quis hujus divini liquoris præstantiam satis admirari potest?) se sentiat quodammodo restitutam: adeo ut in pedes erecta, & ad medicam suam conversa, oculis, vultuq; tam benigne suaviterq; compositis, ut facile ei constet, officia, quæ ab ejus pietate acceperat, injucunda sibi non fuisse, nullo alio grati animi exhibitio indicio, in sandapilam, quod paululum quiescat, decumbit; solitario incultoque loco aliud sedile non suppeditante.

Jam vero miles, prospero auxilii sui successu confirmatus, & istius tranquillitatis, quam à vino, animo, spiritibusq; ejus instillatam cernit, occasione prudenter usus, blandis rationibus (nam argumentorum Rhetoricorum erat rudis) eam monere incipit, quantum in-

terfit, ut corpus suum maturo aliquo sublevet refrigerio; nec loco respondendi ei relicto, abjectis cunctandi ambagibus, peram suam ilicò aperit, & quicquid frigentis plebeiq; peni, in nutrimentum suum secum attulerat, effundit, eiq; summâ, quâ potest propter loci incommoda, reverentiâ, offert; enixè precatus, ut sui miserta, uno alterove solidi cibi frustulo, vim vino præsumpto adaugeat, rusticitatèmq; tum dapium tum maorum suorum æquo accipiat animo, quum salus ejus à repentina aliqua refectione maximopere pendeat, & ipse in præsentiarum nulum habeat eâ digniorem apparatus.

Jam verò, an solius Fati potentia, quæ vana hominum consilia eludit, animosq; nostros, undarum instar circumvolvens, gestit nobis patefacere, quantula sit ea potestas, quæ nobis superbis mortalibus in nosmet ipsos relinqui videtur; seu molli ac lenienti vim efficacis, quæ (proculdubio) & summa & præsentissima est adversus extremum dolorem antidotus; sive militis argumentorum energis, quibus licet tam comptæ ambi-

bi-

bitiosæq; orationis nervis non niterentur, videtur & pondus & pretium inesse; seu deniq; occultis Amoris plagis (ut Philosophi loquuntur) quæ, quam semper ex improvviso altius vulnerant, idq; toties in adversis quoties in prosperis degentes, (nos causâ latente) à Lascivo illo Deo, Matronæ hujus cordi ita infligi possent, ut omnes mentis ejus caligines dispellerent, impetusq; sedarent, atq; adeo eodem temporis articulo, cunctas animi facultates, ad clavem omnium affectuum ejus dulcissimam, placidissimamq; rursus temperarent. Quinam (inquam) ex his causis verisimilibus, seu omnibus simul conspirantibus,tribuendum sit miraculum, fateor me non posse dijudicare; ideoq; tam subtilem quæstionem ad Sapientes rejicio, qui in mentium involubrium penetralia rimari præ se ferunt. Sic autem evenit, ut Matrona nostra, jam luctus sui potens, cibos sibi appositos lubens aggressa sit, moderatèq; delibârit tranquilla ocalorum ejus festivitate, internam quam Natura sensit voluptatem, suaviter detegente.

Hoc conspicatus miles noster (quem stultum fuisse, ex hac narratione, nefas est credere) simulq; sibi conscius, maturo aliquo à ratione auxilio, prudentiq; consilio ei tam opus esse ad animi tempestatem compescendam, quam cibo potúq; ad macerati corporis vires restaurandas, mente cepit agitare, cujusmodi alloquio doloris ejus impetum mitigare conaretur. Et quanquam Philosophiæ Oratoriæq; erat expertus, (mente ejus argumentis consolatoriis haud tam ubertim instructâ, ac Pera & Uter fuerant annonâ) usq; adeo tamen erat particeps naturæ luminis, (quod, ut complures docti volunt, in angustiarum tenebris, casibúsq; subitis, clariùs effulget) ut eo duce, ausus sit illi dicere, quod licet moderata corporis maceratio, animiq; contristatio ob amicorum & consanguineorum interitum, non omnino sit vituperanda, quum sint indicia istius amoris & observantiæ, quâ illos persecuti sumus superstites, & vivida naturalis affectus monumenta, sine quibus homines in brutorum feritatem degenerant; immodicus tamen dolor,

dolor cruciatûsq; non modò Rationi, verùm etiam Naturæ adversatur: Rationi, quod nullum refrigerium, sive solamen mortuis subministrat, ac longè minus ad vitam eos revocat, in eo nimirum statu positos, cui nullum nec commercium, nec usus cum vivis intercedit: Naturæ, quod corporis valetudinem minuit, mentisq; claritatem obnubilat, quæ utraque, summæ sunt viventium opes, & quas ut tutemur, unusquisque nostrum lege Naturæ provirili niti debet. Porro, si eousque à doloris impetu se passa sit rapi, ut sibi mortem afferre decreverit, prout voce & gestu in eo loco, (qui aptum ad ejusmodi Tragœdiam exhibendam est theatrum) videtur indicare, funestam sententiam ilico abjiciat: quippe nullum scelus homicidio conferendum; & inter omnia homicidii genera, sui ipsius cædem maximè detestandam, quæ Numen ipsum tantopere execratur, ut vel ipsi naturæ nostræ legem Salutis Propriæ insculpserit, eo quasi consilio, ut eam præveniret; atque adeo, si tantum cœlo inest misericordiæ, ut eam

veniã dignetur (quod sibi persuadere periculum est) m̃anes tamen mariti repugnabunt ; quia, si eam dum vixit, charam habuerat, ei cordi non esse potest, ut vim sibi quamlibet afferat ; imo potius tam scelestæ mulieris societatem (si quid res superstitum Animæ Defunctæ aut curant aut sentiunt) inter Umbras horrebit.

Hoc audito, pia Matrona non potest, quin sibi consulentem interpellet, idēque sic refert. Veritatem, gravitatemq; sermonis ejus se maximè agnoscere ; attamen (tum genuit) se tantū virum amisisse, quantū nulla unquam conjux amiserat : atque igitur, si dolor ejus tam violentus sit, ut superari non possit, misericordiam potius se, ac veniam, quàm reprehensionem & opprobrium à Diis Hominibúsq; mereri. Plura dicturæ recens lacrymarum rivus per genas defluens, liberum labiorum motum surripuit.

Hoc videns miles, ac ne animi deliquio rursus corripere veritus, ad *antidotum uris*, de cujus succi vitalis vi tam felix experimentum ceperat, mox

recurrat, abjectâque morâ, alterâ manu caput ejus tollit, dum alterâ, copiosâ residui liquoris portione, eam perfundit; neque enim illa calorem vigoremq; ejus in stomacho prius persequitur, quam lacrymarum fontes arescunt, frons serenescit, totâq; nativa ejus suavitas in vultum redit: imò amplius, novissimus hic haustus, tam divinum in morem in ea operatur, ut pristinam animo ejus tranquillitatem, mansuetudinemq; affatim re-infundat, illamq; quam maxime affabilem, facetam, festivamq; reddat; non secus profectò, ac si novam animam ei inspirâisset. Ingenti hac mutatione perpensa, quis mentis compos manere potest, dum vini virtutes considerat, aut à *Patris Sanchi* precationiculâ, ut *Numen istius Cœlestis Nectaris copiam ei deesse nunquam pateretur*, temperare? Verum enimvero, argumentum nostrum adhuc triste est, itaque ad magis seria redeamus. Quippe sagax quispiam *Epicuri* discipulus (in media narratione nobis occurrens) occasionem fortassis arripiet *præstantiam immortalitatemq;* nobilis istius *Esse*, (puta mentis

humana) vituperandi, & ab exemplo
vini tam sublimem in morem, in hac
calamitosa Domina operantis, sic in il-
lud disputandi.

Quod si affectus & voluntates nostræ
ab humoribus temperamentisq; corpo-
rum nostrorum tam immediatè pendent,
ut ex iis quodammodo nasci, & scatu-
rire videantur; & si humores, tempe-
ramentâq; nostra, pro variis potuum,
ciborumq; quibus vescimur, qualitati-
bus, tam facilè citòq; variantur,
(utrumque autem constare videtur in
hujus *Ephesia* casu, quæ generosa meri
subtilitate, ac succoso cibi nutrimine,
vel uno momento quasi, per totum cor-
poris habitum mutabatur; nempe ex
molestissima summâq; desperatione su-
renti, in mitem, tractabilem & face-
tam, morositate atque pertinaciâ seip-
sam interficiendi excussâ, & in liberam
affabilitatem, morigeramq; alacritatem
versâ) cur non sentiendum est cum Ma-
gistro ejus *Epicuro*, animam nihil aliud
esse, quàm *compositionem sive contextu-
ram* subtilium Atomorum, tali modo
figuratarum ac dispositarum, necnon
tali

tali activitate præditarum, ut corpus in-
animent, cunctaq; ejus membra atque
organa ad agendum excitent? Sive
cum *Galeno*, animam non esse nisi har-
moniam Elementorum, in composi-
tione corporis principio concurrentium,
& in eodem tenore, à subtilissimarum
purissimarumq; alimenti nostri partium
supplementis, durante vitâ continuata-
rum? Præsertim si pensitamus admi-
randos vini effectus, quod habet in se
vim, non temperamentum corporis
modò, sed & animi quoque transmu-
tandi, affectus nostros quàm maximè
refractarios, effrænosq; supprimendo,
aliòsq; in eorum vicem æquè violentos
exciendo; denique cupiditatum affe-
ctuúmque nostrorum acum ab altero ad
alterum Extremum circumversando, &
à puncto ad punctum per totum circi-
num circumagendo, ac si ipsum Anima
esset; aut saltem, quasi summo cum
imperio animarum optimæ præset.

Jam verò, si quis futilis *Epicuri* præ-
varicator nobis hoc obstaculum objece-
rit, quamvis Matronam tam sanæ menti
restitutam inviti deferamus, honos ta-
men

men huic Divinæ Substantiæ quam iste vilipendere conatur, à nobis debitus, jubet nos paulisper digredi, eúmque brevi refutatione dignari.

Sciat igitur, omnem hominem individuum duas habere animas distinctas, alteram *Rationalem*, sive *Intellectualem*, atque *Incorruptibilem*, ut ab Origine Divinâ, Spiritu nempe Creatoris perfectam : alteram verò *Sensitivam* tantum, ex Elementorum sinu productam, brutis animantibus etiam communem, ideóque interitui obnoxiam. Hæc *Posterior Anima* (seu magis propriè, *Spiritus*) Commune est Vinculum, Cæmentum sive Ligamen, inter Cœlestem Incorporeamque *Anima Rationalis* naturam, & *Terrestrem, Corporeamque Corporis naturam*; necnon immediatum Organum, sive Instrumentum, quo Anima Nobilior, in Corporis Organis, informat & agit. Jam ergo, quanquam non inficiamur, quin *Anima Rationalis*, propter affinitatem ejus cum Corpore, sit aliquo modo Materiei legibus subjecta; atque adeo, humores, temperamentumque Corporis aliquam habeant influentiam, sive

five potestatem alterandi, operandiq; in animum, maximè pusillanimorum, qui armis Rationis, quibus Appetituum Sensualium motus impetúsq; adorian- tur, & subigant, non utuntur; tamen, ut impressiones quas Corpus in Ani- mum facit, sint ejusmodi, ut materiam ministrent de Animæ *Immortalitate* du- bitandi, seu de Summo ejus in corpus Imperio detrahendi, nequaquam possumus concedere.

Non de *Immortalitate*; quia sicut In- fans in Matris utero, quamvis dum cor- pori ejus manet annexus, omnium mo- tum, casuum, atque symptomatum matri accidentium, fiat particeps, debi- to tamen tempore ab ea separari potest, ac à primo Compatibilitatis statu, in alium Singularis Substantiæ emancipa- ri: sic etiam *Anima Rationalis*, licèt, dum Corpori connectitur, cunctis ejus affectibus, ægritudinibúsq; sit obnoxia, debitâ nihilominus tempestate à Cor- pore sejungi potest, eiq; in æternum su- perstes, in Simplicитatis atque Incompa- tibilitatis statu permanere.

Neque

Neque de *Summo in Corpus Imperio*; propterea quod, velut Monarcha, quamquam supremam, absolutamq; potestatem habet in Subditos, Famulorum tamen gratiâ nonnunquam flecti potest, idq; nec subjecta personâ, neque minuta potentiâ; sic Anima, quamvis ejus Subditi, Corporis affectus, ut morem sibi gerat, eam interdum flectant, atq; adducant; hoc tamen de ejus naturâ præstantiâ, sive de absoluta ejus in Corpus dominatione, nihil quidquam derogat. Præterea, omnes affectuum mutationes, quæ ab humorum varietate, corporisq; temperamento oriuntur, seu cibo, seu vino, sive alia quavis causa gignantur, summa injuriâ animo imputantur, vel *Anima Rationali* ipsi, (cujus Essentia Simplex ab omnibus Essentialibus mutationibus eam secernit) ac revera non ultrâ tendunt, quàm ad *Sensitivam*, sive Cerebrum, quod est Organum ejus principale. Quocirca sicut ab excellentis Musici peritiâ, atque dexteritate minimè derogat, quod vitiosum & malè temperatum Instrumentum ad harmoniam modulari nequit; sic itidem

dem, ab Animæ dignitate non detrahit, quod ſui moderaminis harmoniam, malè temperato cerebro, tueri non valet. Atq; hoc ſatis eſſe exiſtimamus ad evincendum, quòd fœdus, ſive affinitas mutua inter Corpus & Animum, tam inſeparabilis non ſit, quin & Animus ſuum ſibi ſuprematum, durante hoc fœdere, retineat, atque etiam eodem per mortem diſſoluto, ſuum *Eſſe* perennet.

Quinetiam, ſi nobis ultro inſtiterit Adverſarius, ut illi dilucidemus, cujuſmodi ſubſtantiam Animam eſſe judicamus, ingenuè confitebimur nos non intelligere. Neque enim iſtius ignorantix nos pudet, quum ejus cognitio non à Ratione, ſive Philoſophiâ, ſed à *Divina Revelatione* ſit petenda. Nam dato, Animæ ſubſtantiam, in creatione ſuâ, à Materie ſive Elementis haud deductam, aut extractam fuiſſe, prout ex transcendentia, functionibus, operationibúſq; ejus conſtat; pro certo ſequitur, leges Materiæ, ſive Elementorum, ejus naturam nulla ratione poſſe complecti, aut ad ejus Subſtantiæ cognitionem ducere; atque adeo Philoſophiâ

Ob-

Objectis Propriis relictâ, ab eodem
 Numine, à quo Substantia ejus ab ori-
 gine profluxit, eam expectare debe-
 mus. Sed quum raræ existant Inspira-
 tiones Divinæ, præstabit nobis subtilia,
 & Metaphysica nostra scrutinia ad mor-
 tem usque differre, quæ & his & cæte-
 ris omnibus id genus difficultatibus ma-
 turam imponet finem. Interim veri-
 am precamur, quòd in Speculationem
 tam gravem, & tam à nostra narratio-
 ne alienam (quam tamen jure vitare no-
 bis non erat integrum) digressi sumus,
 animúmque tuum à legendo avocavimus,
 dum pietas tua de recuperatâ Matronæ
 salute, impatienter certior fieri cupit.
 Ut igitur ad eam redeamus, majore ip-
 se sanè quàm miles, quum primùm
 eam conspexit, admiratione atque stu-
 pore me sentio correptum. Videor enim
 quædam symptomata in ea cernere,
 quæ non tantum animi mutationem,
 sed & totius corporis ejus habitus Me-
 tamorphosin indicant, idque tam mirum
 in modum, ut, nisi cultus ejus luctuosi
 retentio (velum tamen objecit) simul
 cum temporis & loci argumentis mihi
 fidem

fidem in diversum confirmaret, ægrè
profectò ipsam eandem esse crederem.
Quippe lugentis viduæ personam tam
planè exuisse videtur, ut si mihi, quod
Physiognomiæ peritis, exterioribus li-
neamentis liceret divinare, eam Nup-
tam lætissimam, felicissimamq; esse ar-
bitrarer. Nam frons ei non modò sere-
nata, sed in gratiorem etiam amplitu-
dinem dilatata, delicato & purpureo ru-
bore superfuso resplendet : Oculi, licèt
paulo plusquam semi-aperti, fulgore
corruscantes, gratiosis albuginibus non-
nihil sursum replicatis, motitantes, udo-
re rubicundo madentes, & languido
subinde, obliquòq; intuitu (quales in
moribundis duntaxat, & amantibus ex
deliciarum extasi raptis, videri solent)
furtim in militem convertuntur : Labia,
muriceâ tincturâ placidè turgida, be-
nignéq; tremula, oris tamen decorem,
suavitatémq; retinent : Genæ placidis
ruboribus inundatæ : Caput leviter de-
flexum, ut quum Verecundiæ cum Cu-
pidine arcanum est litigium : Quippe
molli agitur sollicitudine, quali ani-
mus laborare solet, dum objectum, in
quo

quo summum suum bonum collocavit,
 æger anxiusq; persequitur. Modicus
 & *Balsamicus sudor* è nivæ cuticulæ
 meatibus exstillans, blandum ei calo-
 rem, ex ingenti Spirituum internorum
 agitatione, eorûmq; in partes externas,
 simul cum purissimi ejus sanguinis va-
 poribus, effusione, haud dubiè succen-
 sum, adauget. Confluxum denique
 omnium indiciorum, quæ naturalia
 arctissimâq; ingentis gaudii atque vo-
 luptatis sunt symbola, in ea perspicio.
 Quid igitur mihi sentiendum est?
 Quippe vel cogitare hanc egregiæ con-
 stantiæ Matronam, pudicitiae, ipsâ Pu-
 dicitiae Deâ, religiosiorem, severio-
 rémq; custodem; doloris (vel vobis
 testibus) propemodum immensi in-
 victiq; patientem, cujus lacrymæ vi-
 dum exaruerunt, in humido horridôq;
 Ossuario, idq; nocte intempestâ, (*cha-*
rissimi sui Totius arcæ assidentem: Vel
 semel (inquam) cogitare, hanc lascivie
 novi Amatoris deliciis, idq; tam sibi
 ignoti, tamq; infra suam sortem homi-
 nis tam cito immergi posse, non solum
 profectò cum verisimilitudine acerrime
 pugnat

pugnat, sed in contumeliam nunquam expiandam cedit; & quisquis vel unam cogitationunculam, quâ tanta infamiae macula ejus Sexui inureretur, expromere auderet, ægrè proculdubio seipsum tueretur, quo minus ab ejus Comparibus discerperetur.

Ab altera verò parte, validæ patent suspicionis causæ: Nam, si verum est (& verum est certè) non satis Naturæ visum esse, quod homini linguam, quâ mentem explicaret, tribuisset, nisi altissimorum affectuum, consiliorumq; ejus imaginès vultui impressisset, & Philosophos hoc fundamento nixos, illam inter Artes præstantissimam *Cognoscendi hominem* (primariam Civilis Prudentiæ partem) condidisse, quæ docet in abstrusissimos animi recessus, conceptusq; occultissimos penetrare, *figuras, characteresq;* quos interni ejus motus in frontem, oculos, aliasq; faciei partes educunt, contemplando; Si hoc (inquam) verum est, jure merito nobis licet suspicari, Matronam nostram jaculo Amoris inevitabili recens vulneratam esse, jamq; æquè fervidis militis amplexus concupere

pere flammis, ac nuper moeroris glacie frigida deflexerat maritum. Quippe vultus gestusq; eam produnt, necnon omnia summæ jucunditatis ac festivitatis indicia in faciem ejus effusa haud sinunt me diutiùs ambigere, quin jamjam degustârit, imò plusquam degustârit, eam ipsam voluptatem, quam Amantes, dum ipsos mutui amoris carpunt fructus, persentiunt; quæq; in seipsâ, tanquam *Extasis*, ita describi non potest, nisi sentientibus, nec quidem ipsis nisi dum sentiunt, ut intelligatur.

Neque est quod diutiùs pendeas animi: Ecce enim, in militis brachia ruit, amplexatur, dissuaviatur, idq; tanto impetu atque aviditate, ac si nudo labiorum ejus tactu sibi satisfacere non possit, nisi suorum vestigia iis relinquat infixâ; imò & aperto ore ejus basia excipit, quasi hujus gestus incuria magis ex natura ad affectus sui impetum effundendum conducat; aut quasi ipsa, ad illam animam hauriendam, quam sibi ab eo optat inspirandam, sit accommodatior. Nec quidquam eam adducit, ut os suum ab ejus ore avellat, nisi impatientia,

tientia, ne oculi sui tamdiu careant ejus
formæ imaginibus : Utq; hunc sensum,
datis acceptisq; nonnullis obtutibus
amatoriis, (nunc enim haud ampliùs
obliqui sunt trajectory) epulata est, ex-
templo osculorum convivium repetit,
ac si contuendi voluptates, quantumvis
Amantibus jucundæ, tangendi volup-
tatibus essent inferiores ; aut quasi vo-
luptates, quibus horum eximiorum sen-
sum alteruter in istiusmodi occasioni-
bus animum afficit, tantam vim habeant,
ut unâ operâ utrique indulgere neque-
at, quin modo huic, modo illi se ap-
plicet, ne inter utrumque distracta, vel
tantillum ejus rei amittat, quæ ex af-
fectu suo intelligit sibi esse necessariam,
ut ad optatum gaudium perveniat con-
summandam.

Ut uno verbo absolvam, (quippe in
id genus materiam incidimus, ut pro-
ximum sermonem non admittat) nihil
est licentiæ, nihil blanditiarum, nihil
venociniorum, nihil illecebrarum, quod
asciva hæc Domina non adhibet, quo
novo Amatori se gratam volupémq;
reddere, ac recentes in eo flammæ vi-
cissim

eissim excitare possit: adeo ut, si quam
 conspiciamus, non ipsa sit *Venus*, cum
 dilecto suo *Marte* luxurians; haud du-
 biè tamen est una ex ejus natabus, cum
 uno è *Martis* natis, in summis deliciis
 copulata. Hic verò, in hoc lepidum
 par, terga nos vertere jubet verecundia. O
 Video enim militem totam Rem suam &
 Militarem nondum profudisse; sed & mo-
 lascivarum mulieris illecebrarum fasci-ger-
 nis majorem in modum percitum, ad
 secundum congressum seipsum accin-
 xisse, atque adeo ad actionem istam per pro-
 petranda, quam, etsi omnium aliarum
 actionum jucundissimam, dulcissimamque
 vel nominare salvo pudore, multo me-
 gis oculis usurpare nos dedecet, parum
 tum. Neque enim te meq; latet, quàm lecu-
 implacabiliter *Dea Cypria* indignari solem
 let impudicis istis curiosis, qui in Sacilita-
 crificiorum suorum mysteria, quæ ipseas,
 in tenebris, & à comparibus una offerunt
 voluit, speculari audent. Opportunum quæ
 igitur oculos etiamnum insontes ave-
 tamus, hosq; ejus Votarios recenter in
 tiatos, *Cythereos*, quos auspicaturi sum
 Ritus, quietè absolvere sinamus; præ sua
 fertur

fertim quum zelus eorum tantopere fer-
veat, ut vel ipsam mariti arcam, in
quam accendant & exhalent, quod se-
cum attulerunt thus, aram facere, nihil
habeant pensi; atque dum tacitarum
suarum satagunt devotionum, Rationis
Oraculum adeamus, & hujusce grandis
& mirificæ in nostra Matrona Meta-
morphoseos, quæ jam (ut vides) Lu-
gens & Vidua desiit esse, potentem con-
sulamus causam.

Metamorphosin hanc subitam atque
prodigiosam innatæ muliebris ingenii
levitati atque mutabilitati imputare,
quamvis nonnihil Philosophiæ, mul-
tum tamen Sapientiæ habere nequit,
quum plus disputationis quàm salutis
secum afferat. Quippe, licet probè no-
scum sit, quod temperamenti earum fa-
cilitas atque teneritudo ejusmodi est, ut
plæas, instar ceræ, quarumcunque figura-
rum reddat capaces; & maximè earum,
quæ cum affectibus, quibus veluti in-
natis stimulis, ad illum, cui à Naturâ
predestinatæ sunt, adigantur finem,
congruunt; quis tamen tam temerè vi-
cæ suæ prodigus est, ut vindicativo isti
sexui

sexui ultro bilem moveat, illam nimirum in amore, quam quæque mulier tantopere jactat, ac vel sanguine suo tueri gestit, constantiam, cujus dies singuli tot insignia proferunt exempla, in dubium revocando? Quod meâ refert, sanè, quanquam nunquam mihi contigit tanta beatitudo, ut gratiâ apud Dominas magnopere pollerem; honores tamen quo illas prosequor, non permittit ut earum velim malevolentiam, præsertim tam contumeliosam hæresin asserendo; nec quampiam occasionem prætermittam, qua illis ostendam, obsequia, quæ iis præstare cupio, ejusmodi esse, ut vel firmissimis earum affectibus, altissimisq; meritis ex amussi respondeant; nec ullum attributum, suis ipsæ meritis, opinione suâ nitentes, (quam omnes fatis propitiam sibi esse fatentur) vendicant, quod illis non lubens indulgeam; neque in earum dictis aut veritatem aut gravitatem quærere sustineo, quin cultum fidemq; illis tanquam Oraculis, adhibeam. Nequeunt aures meæ prius imbibere quam fides mea tanquam Sacramenta, & intermerando

meranda Religionis vincula, earum promissa deglutit. Siquam audio vel solum dicentem (licet nullis confirmandi conceptis verbis) se aut fuisse, aut futuram *Amasio* suo fidam atque constantem; è vestigio credo, imò & jurare audeo, Coelos ipsos à suo fundamento ruituros, Naturam cursum & leges suas mutaturam, ac in primi sui Chaos confusionem relapsuram, quàm hanc ab Objecto, in quo fixit amorem suum, recessuram. Siqua vidua in mariti funere suspirat & plorat, sinceri atq; doloris ejus misereor; ne in desperationem rapiatur, sibiq; mortem consciscat, vereor; denique ut maritus ejus prius reviviscat, quàm illa de repente conjugio vel semel cogitet, expecto.

Siquem quid triste de teneræ cujusvis Virgunculæ Amoribus inauspicatis exaudio narrantem, nequeo profectò temperare, quin pectus feriam, exclamémq; Ah! quam dolendum est, tam pulchrum flosculum, toti humano generi, quia nulla quæ carpat in promptu est manus, exarere atque perire? Illa enim misel-

la, haud dubiè reliquum calamitosæ vitæ solitudini ac fidelitati devovens, nunquam adducetur ut Hymenæum colat; imò verò illibata vivet & morietur, atque spes ejus integra in contemplatione honorum, qui iis, quæ Amantibus vitæ functis, inviolatam servârunt fidem, in *Elyzio* reponuntur, perpetuo versabitur: nec *Sera ista Veneta*, vel dimidio tam firmo possent esse pudicitiae ejus præsidio, quàm votorum, quæ, cui cor suum olim sacraverat, præstitit recordatio. Insuper, dum ingeniosos elegantésq; illos Scriptores, qui in fœminarum gloriâ illustrandâ, in heroinarum frontesteriis erigendis, & in earum constantiae, Amorum Conjugalium, aliarúmque virtutum exemplis colligendis, cålamos suos exercitârunt, evolvero, oh! quantâ delectatione capi, & quantâ iustius honoris, dignationisq; quam inde sibi acquisiverunt hi Authores, æmulatione incendi me sentio? Et si sidera mea tam propitia, tamq; benigna mihi nascenti effulsissent, ut mihi portionem ingenii competentem infudissent, non aliud profectò argumentum tam in se dignum,

dignum, aut tam genio meo consentaneum, quàm *Matronarum Encomion*, existimassem : atque adeo tibi amico non confiteor invitus, mihi olim aliquando in mentem venisse, de *Uxoribus*, *Amicarumq;* *constantium vitis historiolarum* contexere ; nec aliud quidvis mihi obstitit, quo minus inceptum opus persecutus sim, quàm quod infinita earum multitudine abstererer. Prævidebam enim totum vitæ meæ curriculum, ut omnes enumerarē, multo minus ut debitas unicuiq; tribuerem laudes, haud suffecturū. Adeo ut facilè perspicere possis, quàm æternas susceperim inimicitias, cum quavis opinione, quæ videatur ab honore *Immutabilitatis* istius delicati dulcisq; sexus detrahere, quem Naturæ benevolentia, in nostrum juvamen, oblectamentum, solatiūmq; condidit, & sine cujus auxilio, egregiam illam actionem, quæ nostri *Esse* perfectionis est testis, & quæ, morte nequicquam renitente, nos reddit immortales, ac ad quandam Divinæ rerum omnium originis similitudinem refert, præstare deberemus. Aliam igitur causam (præter

muliebris ingenii levitatem) quâ *Matrona nostra* forti prospiciamus, disquiramus.

Vi vini ei à milite dati eam tribuere, esset *Magnum* ac *Primum Agens* præterire, & in eo, quod ad summum, non erat nisi accessorium, hære; totam Portenti molem, ubi levissimæ ejus particula vix datur locus, ponere. Quippe, quoad quantitatem quam bibit, licet ad spiritus ejus redintegrandos, calorem vitalem refocillandum, & penè concreti ejus sanguinis motum excitandum suffecerit; minor tamen erat, quàm ut cerebrum ejus vitaret, eamq; ad fastigium cupiditatum tam incongruarum, tamq; frigido corporis habitui, humilibq; animi ejus statui repugnantium, inflammaret. Et, si qualitatem expendimus; licet bonum vinum *Lac Veneris* sit, nec minùs subtiliter ac potenter, quàm *Nutrix*, sive *Obstetric*, *Nox*, *Opportunitas*, imò verò *Aurum ipsum*, pudicitia insidiatur, (quæ fortè una ex causis est cur *Ocnopolium Rhenanum*, & * *Area Chalybea*

* *Locus ad Thamesis ripam Londini, ubi vinum Rhenanum vocat optimum.*

tantopere frequentantur) raro tamen
hunc effectum operatur, nisi in corpori-
bus, quæ ut generosum, sublimemq; ejus
influxum admittant, cum eóq; cohære-
ant, præparantur. Nam, ut cuncta
Agentia Naturalia vim ac energiam su-
am, capacitate *Patientium* in quæ ope-
rantur, habent limitatam; sic in parti-
culari, vinum non tam universaliter ca-
lidos & amatorios infundit affectus,
quin in temperamenti frigidi corpori-
bus, animisq; pudicitie tenacibus, non-
nunquam repellantur ac supprimantur:
atque adeo dum calefacit, & ad blan-
ditias Venereas irritat, nihil aliud quàm
scintillas aliquas adstruit igni isti inter-
no, qui quantacunque vastitie, pudoris
externi cineribus involutus, tantope-
re suburebat antea, ut parum abfuerit,
quin in sævientes erupisset flammæ.
Adeo ut Matrona nostra, ultra tempe-
rantie atque sobrietatis terminos non
progressa, & diurnâ inedia, mœrore,
algoréq; (quæ omnia vehementissimè
Veneri adversantur) tantopere debilita-
ta, ut nefas sit credere, ei multum fo-
mitis (quod vini spiritibus, quum servi-
dum,

dum, de quo agimus, parit appetitum, incendi solet) in venis fuisse reliquum; non competit rationi, facilitatem ejus aggravare, in innoxia ejus refrigerii atque revalescentiæ media eam transferendo.

Ad quid igitur referri potest hic casus tantâ admiratione dignus? Me judice, profectò ad nihil aliud cum tanto favore ac verisimilitudine, quàm ad tot prodigiorum authorem *Amorem*. Quamquam enim mysteriosam hujusce affectus naturam, cui omnes subsunt mortales, & quæ nemini innotescit, enucleare non aggrediar, eam ratus æquè scitè ab eo definitam qui dixit, *Est nescio quid, quod nescio unde intravit, & nescio quomodo abivit*: ac à *Socrate*, qui *Cupidinem Formæ* eam vocavit: vel ab ipso *Divo Thomâ*, qui *Appetitûs complacentiam in re amabili* eam esse affirmavit. Attamen hoc ego charâ experienciâ didici, affectum esse imperiosum, qui ut primum animi confinia occupavit, fit Tyrannus, Facultates conculcat, Rationis leges atque regimen subvertit, omniâq; & sapientiæ & verecundiæ propugnacula

pugnacula sibi obfistentia diruit. Genus est quoddam Magiæ, cui ut repugnemus, nulla nobis datur à Natura potestas; nam mentibus nostris furtim se ipsam insinuando, larvati hostis instar, omnes ejus vires ex improvviso corripit, opprimítque, ac veneno subtili similis, dum victoria segura sit, introitum suum non detegit. Bellum indicit, simúlq; triumphat. Palpo secreto nobis infidiatur, atque in exitium agit præcipites; quod eo difficilius cavemus, quia admittimus cum delectatione atque permittimus, & venenosarum *Calabrie* aranearum more, nos titillando ad saltandum ciet, & interimit. Dum dulce & harmoniosum eam credimus esse carmen, in magnos ac periculosos nos illicit tumultus. Prudentiæ præcautionem fastidit, ac luctûs præoccupationem spernit. Quo fortiùs repellitur, eo redit violentior: consiliis ferocit, periculis ac difficultatibus, tanquam infusâ igni fatuo aquâ, ejus incendium gliscit; inhibitione laceffitur. Amore capti, cupiditates nostras, nisi impetuosæ sint, ignobiles, & nisi temerariæ, ignavas

esse ducimus. Maximi, sapientissimi, contumacissimiq; animi vim ejus persensere; nec ipsa Ambitio (qui omnium affectuum princeps habetur, ac dominus) de summo in Mentem imperio cum eo certamen inire valet. Sapientiae Exemplum respice *Solomonem*, qui cuncta divina sua praecepta deposuit, & Amoris delirio factus praeda, *Pharaonis* filiam deperiit; necnon *Appium Claudium Decemv. Rom. Legislatorem*, virumq; cum primis austum, qui tamen ad quandam amentiae gradum amore rapiebatur. Ambitionis documentum habemus *Marc. Antonium*, magni Imperii participem, qui in potentiae magnitudinisq; suae fastigio, *Cleopatrae* formae vim tantam esse sensit, ut ejus vinculis captivum se ultro dederet. Contumaciae specimen sit memorabilis haec *Laidis* confessio; nimirum, plus se habere *Philosophorum*, idq; *Stoicorum*, qui consuetudinem suam ambiebant, quam alius cujusvis fortis hominum. Sed quid nobis his exemplis opus, ut Amoris tyrannidem vel in animos heroicos habeamus compertam, quum ex eorum frequentia nata sit mortalibus

talibus occasio *Amorem Affectum* heroi-
cum nuncupandi, & quum veteres Poe-
tæ, *Amorum Jovis*, cæterorumq; Nu-
minum figmentis nihil aliud innuerint,
quàm hoc, quòd *Amor viros inter morta-
les prudentissimos imperio suo subigit*? Hoc
quum ita sit, quid mirum, si nostra Ma-
trona, infirma ac delicata foemina, ab
Alato Jaculatore, (cujus jaculis hæc in-
est vis, ut doloris ulceribus momento
medeantur) impetita, necnon ad pene-
tralia usque confixa, mox se Captivam,
inter tot milliones currum ejus trium-
phantem sequentes, ducendam dedide-
rit? Adeo ut, si novus hic affectus ejus
vitium sit, ejusmodi profectò est, ut ab
illà vitari non potuerit, ideòq; ab om-
nibus, qui flammaram arcanarum in-
telligunt vim, quam illam sensisse fas
nobis est credere, facile veniam impe-
trabit.

Nec vitio ei vertere debes, quòd il-
lud quod omnes mulieres obsequium,
citiùs aut seriùs, hujusmodi cupiditatum
Inspiratori pendere coguntur, tam citò
persolverit; quum argumentorum pon-
dus atque instantiam, necnon irritamen-

torum efficaciam, ab audenti milite, quo eam ad rem expediendam alliceret adhibitorum, ignores; & quum sapientissimæ quæque mulieres, eos inter Procos fortissimos, suâq; gratiâ habeant dignissimos, qui ad eam conciliandam sunt promptissimi. Non me fugit, genus quoddam Hæreticorum in Amore existere, qui voluptates levi negotio paratas nihili faciunt; & infra fortitudinem suam ducunt Munimentum expugnare, cujus Portæ, primo impetu parent; quasi verò deliciæ eo essent gratiores atque jucundiores, quo majore difficultate ac tædio parantur. At Matrona nostra ex hisce non erat. Illa enim plus pollebat sapientiâ, & animi virilitate, quàm ut proluxæ procationis ambagibus immoraretur; nam modum denierendi à eunctatione pendere non arbitrabatur. Imo imbecillitatis propriæ, & aggressoris sui roboris gnara, quo maturiùs se dederet, eo meliùs se rebus suis consulturam putabat. Porro, Fortuna commodam ei præbuerat opportunitatem, quam quidem negligere eam non patiebatur prudentia. Quippe
purima

plurima extiterunt facinora, in quibus ipsum tempus maximi ponderis fuit; imò & quædam incidunt fortunata ac critica momenta, quibus multa fiunt quæ postea nunquam fieri possunt. Cur igitur summæ levitatis argueretur hæc scemina, solummodo quod occasionis antias arripuerit, & primo congressu occupaverit, quod aliàs fortasse amisisset? Quum tu esuris, & bonæ dapes tibi apponuntur, num hospitem tibi judicabis amicum, si fortè tædiosis ambagibus, & longis importunisq; fabulis, dum cibi frigescent & insipiscunt, ab edendo te distinxerit? Quæ ratio est ergo, quod tantum in muliebre modestiam judicetur piaculum, si Matrona nostra indulserit appetitui æquè naturali (& crebrò moræ impatientiori) ac fami, simulac fortuna ei ansam obtulerat? Enimvero, si penes me est arbitrium (cæteris licet quod lubet censere) quanquam factum ejus non præbo, ideo tamen sequius esse, quia tam cito factum est, non judico.

Atqui facinoris hujusce mulieris turpitudinem me nimis ambitioso & amico

phrasis

phrasis cultu exornasse, fortassis existimabis, dum Amorem, nobilem illum & heroicum affectum, ejus lapsus, tam facilis constituo causam, quæ nihil re- vera erat aliud, quàm singularis & proprius appetitus carnalis, sive abjectæ & irrefrænatae libidinis effectus.

Ad hoc igitur respondeo, quod ratione istius inter Amorem ac Libidinem scrupulosi discriminis ab adulatione concepti habitâ, ac si alter genuinus animi foetus duntaxat esset, altera verò spuria corporis superfoetatio, quæ in sororis suæ societatem nunquam irrupit, quin virgineam ac immaculatam ejus naturam violaverit, atque dehonestaverit; æqui tamen arbitri, qui in istius, inter diversi sexus corpora, Conjunctionis appetitus causam, atque originem satis altè penetrârunt, sive in alternum Maris & Fœminæ studium, quod generatim intelligitur esse Amor, (haud enim *amicitiæ* seu *benevolentia* res nunc agitur) diligenter indagârunt, non facile adducentur ut credant, ullum interesse tam magnum discrimen, sive disparitatem, quin ab uno eodémq;

prin-

principio proficiscantur; multo minus quod ulla ratione disjungantur. Hoc, opinor, subacerbum erit puris & delicatulis *Sectæ Platonicae* discipulis, qui, carnis & sanguinis merita spernentes, & Animi pulchritudines admirari præseferentes, blanditias suas omnes contemplationi devovent, ut amabiles virtutis *Ideas* deperire videantur; nec ipsis profectò Matronis (quæ ex puriori, haud dubiè, ac minus sulphureo, quàm cæteri mortales, conflantur luto) cordi erit audire, dulces & almas suas flammæ crassorum fuligineorúmque mixturâ vaporum, quales à corporis ardoribus exsurgunt, aspergi. Itaque veritas ipsa (quam cæteris utilitatibus antepono) me cogit hanc meam sententiam asserere atque prædicare; quæ quàmvis Paradoxum sit, maximè tamen cum ratione cohæret. Quod uti præstare possim, liceat mihi, cum bonâ tuâ veniâ, exiguam Amoris imagunculam tibi dono donare, non ab aliorum commentis effictam, sed ab ipsa Naturæ origine ad vivum depictam, & (nisi plurimum fallor) tot species germanas

manas referentem, ut quisquis illam
contemplaturus sit, tanti eam faciat, ut
non dubitem, quin haud prorsus indig-
nam sentiat, quæ in mentis suæ gynec-
æo asservanda reponatur.

De

De AMORE

in genere.

OMnibus compertum est atque manifestum, proprium omnium appetituum objectum esse *Bonum*, seu *Reale*, sive *Apparens*; ac ratio est, quia objectum, in quo hoc *Bonum* perspicitur, aut animo concipitur, ad ejus rei perfectionem, cujus appetitus est, aut quæ appetit, conducit. Nam appetitus, sive cupiditas in *Appetenti*, semper præsupponit opus, sive indigentiam *Appetiti*; & quicquid opus habet, perfectum esse, nisi, quod opus habet, accepto, non potest. Adeo ut Congruentia, Utilitas, sive Bonitas, quæ est inter naturam rei deficientis sive desideratæ, & perfectionem requisitam in naturâ rei indigentis sive desiderantis, sit causa cur hæc res appetitur, aut amatur, ac pariter fundamentum istius voluptatis sive delectationis, quæ in hujus rei possessione sive fruitione percipitur.

pitur. Atque hoc certè est omnium, quæ in rerum naturâ extant, affectuum, necnon amoris, quo capimur, in quicquid aut verè aut speciosè nobis bonum est, Principium. Nobis bonum inquam, quoniam nihil est in orbe terrarum, quod absolute bonum sit; neque quidquam judicamus esse, nisi cum respectu ad nosmetipsos.

Jam verò quum congruitas in Objecto cum naturâ Appetentis sit causa, cur appetitus ad illud particulatim determinatur, ut quod ad ejus perfectionem conducit, (quod solum in ejus potestate ad agendum promovendâ consistit) ac pariter istius voluptatis, quæ ejus acquisitionem comitatur; negari non potest, quin Appetitus comitetur, seu potius ducatur, à quadam Facultate cognoscendi, sive dignoscendi illam ipsam congruitatem, ubicunq; inter Objecta sibi habeat obviam; eadèmq; ad hanc dirigat Appetitû; quandoquidem, quod non cognoscitur esse congruum, non potest appeti. Et quando motus isti interni, quos *Amorem* atque *Voluptatem* appellamus, nihil aliud sunt, quàm

quàm istarum conceptionum reflexus, quæ in Imaginatione atque Intellectu formantur, postquam Appetitus bonitate, sive convenientiâ rei sibi propositæ excitatur ; necesse est igitur, ut quid conveniat, quid non conveniat, sciendi sit Facultas. Porro, quum scirem quampiam, sit ejusdem conceptionem sive notionem habere ejus naturæ respondentem, quæ solummodo Qualitatibus ac Proprietatibus suis se ipsam declarat atque manifestat ; istæ Qualitates ac Proprietates signa sunt & indicia, quibus *Facultas cognoscendi* potest de ejus rei Bonitate sive Malignitate judicare ; atq; adeo an amplectenda sive rejicienda sit, Appetitui repræsentare. Atque hæc, quum sit causa cur Natura cuncta animalia Sensibus, hominem verò & Sensibus & Ratione instruxerit, quibus signa vel indicia Congruitatis in Objectis percipiantur ; & sic natura rei in quâ apparent, innotescat Facultati, cujus officium est de iis judicare : sic etiam est, quod quicquid Sensus (signorum *boni maliq;* observatores) Imaginationi repræsentant, (quæ conceptiones

nes juxta format) tanquam *Bonum, Utile, Pulchrum*, pro *Bono, Pulchro*, sive *Formoso* habetur, ac dein ab Appetitu desideratur, vel ambitur.

Hoc considerato, regula ex pura consequentia docet, quod ratio cur Forma Corporea tantopere delectat Sensus, animúmque incantat, est tantum quia est signum sive indicium istius internæ potestatis sive congruitatis, quæ inest subiecto cui adhæret, & quæ appetitui nostro opus est, ut ad istius perfectionis acquisitionem, quæ ejus naturæ requiritur, pervenire possit. Adeo ut, hoc in sensu, non magnopere nobis culpanda sit ejus *Formæ* definitio, qui illam *Bonitatis splendorem* nuncupavit; nec minùs alterius amoris condemnare, qui illum *Inopiam* sive *Indigentiam* vocavit. Atque hoc satis esse, ad *Amoris naturam in genere adumbrandam*, existimamus.

De A M O R E

inter Marem & Fœminam.

ITaque, ut propiùs ad Argumentum nostrum accedamus, monendus es, quòd omnes Potentiæ sive Facultates, quæ simul cum singulis suis Appetitibus naturam Humanam perficiunt, ad alteram ex his duobus finibus in eam collatæ sunt; nimirum ad Conservationem & Felicitatem ejus, in Propriâ ac Individuâ Personâ, aut ad Conservationem ejus in Specie, sive in suo Genere. Quæ ad ejus Felicitatem ac Conservationem in Propriâ Personâ conferunt, sunt *Intellectus sive Ratiocinatio, Imaginatio, Memoria, Motus Voluntarius, Vita, & Nutritio*: & quæ eam in sua specie conservat, est Generationis sive Procreationis Facultas, quâ sibi gignit similem.

Hæc verò *Facultas Generativa* (nam reliquæ ad præsens nostrum thema non pertinent) nec totaliter in Mari, nec totaliter

56 *De Amore inter Mar. & Fœm.*

totaliter in Fœminâ, sed inter utrumq;
divisa, quum *Pars Activa* sit Maris,
Passiva autem Fœminæ, consistit; adeo
ut quum utriusque sexus conjunctio ad
hujus Facultatis perfectionem, quæ in
actuali *Similis* productione consistit, sit
necessaria; dubitandum non est, quin
Appetitus, qui ad hanc Facultatem per-
tinet, & quo Mas & Fœmina concit-
antur, & quasi compelluntur ad Gene-
rationis actum, ad quem hæc Facultas
tendit, certâ bonitatis aut congruitatis
in Objecto, in quod ad perfectionem
suam acquirendam operari debet, cog-
nitione comitetur. Et quum hæc boni-
tas sive congruitas non aliter, nisi ex
signis ac indiciis externis in Mari & in
Fœminâ apparentibus, pernosci queat,
non priùs Sensibus & Imaginationi in-
notescit, quàm Appetitus huic cogniti-
oni comes, excitatur, & ad hoc Ob-
jectum, in quo hæc congruitas eminet,
diligendum atque prosequendum adhi-
betur. Verùm ut lucidiùs dicam;
quum bonitas sive aptitudo ad Genera-
tionem in Mari, nil aliud sit quàm æqua
ejus constitutio, in cunctis illis organis
sive

sive Instrumentis, quæ Natura ad id officium ab ejus parte ordinavit; vicissim & aptitudo in Fœmina, constitutio instrumentorum ad Passivam illam Facultatem exequendam à Natura ab ejus parte conditorum; ac signa, quibus hæc aptitudo patescit, species, & forma corporis, cunctarúmque ejus partium alterutri sexui peculiarium; hinc inevitabiliter sequitur, Formam Masculam duntaxat esse bonæ constitutionis, ad Facultatem activam in Generatione, indicium, quemadmodum est *Forma Fœminea* Passivæ; atque adeo cupiditatem, sive Appetitum, qui ab istorum indiciorum detectione exoritur, ac Matrem aut Fœminam ad Conjunctionis actum, ut officio ad *Facultatem Generativam* spectante fungantur, sollicitatem esse affectum, quem *Diversi sexus Amorem* appellamus. Illa enim cupiditas, quæ ad finem ducit, à cognitione aptitudinis mediorum ad eum tendentium, necesse est, introducatur; & quum hæc aptitudo in debitâ omnium partium organorumque ad eum finem attingendum spectantium, constitutione con-

58 *De Amore inter Mar. & Fem.*

consistat, ac seipsam, extrinsecâ corporis pulchritudine, alterutri sexui propriâ indicet, negari non potest, quia aptitudo unicum sit Appetitus incitamentum, ac pariter cupiditas ex hujus aptitudinis cognitione proficiscens, sit *Amor*, ac *unicus Amor*, qui inter Marem & Fœminam, quatenus Marem & Fœminam, enasci potest.

qu
sit
O
qu
tar
int
sed
agi
Ma
rem
D
quò
stere
jori)
ralis
(actu
in ut

De A M O R E

Determinato.

JAm verò, præter hunc Diversi Sexûs Amorem in genere, qui nihil aliud est, quàm *Appetitus Procreationis indefinitus*; alius est adhuc Amor, in quo idem Appetitus, licèt Sexus diversitatis habeat rationem, ad unum tamen Objectum seorsim determinatur; & qui hoc affectu tenentur, propriè dicuntur *amare*. Nunc igitur non de Amore inter Marem & Fœminam in genere, sed de hoc singulari sive determinato agitur; quum hic sit ille Amor, quem Matronæ indigitare videntur, ubi Amorem à Libidine distinguunt.

De hoc *Amore Personali* igitur, dico, quòd, quum sine Sexûs diversitate existere non potest, ac æquo (si non majori) impetu ad eundem, ad quem *Generalis* sive *Indefinitus Amor* tendit finem, (actum putà Procreationis) atq; itidem in utrâq; ratione istius voluptatis sensualis

alis, qui Amorem indifferentem comitatur, fit particeps; consequitur, quod *Amor Sexus, ac Amor cujusvis unius ejusdem Sexus, non nisi unum eundemq; in natura conficiunt affectum.* Nec alia profecto est causa, quâ hic Amor, ut æqualitatem suam omnibus istius diverſi Sexus exuat, & in unam quamlibet personam se conferat, adduci potest, quàm hæc, quod Persona Amans (seu potius quæ amat) indicia sive signa Facultatis Generativæ magis in Amata, quàm in aliâ quavis ejusdem Sexus Personâ, conspicua esse rata, exinde sibi imaginatur, quod hæc ipsâ frui (id est, eidem actioni, quâ opus est ad speciem continuandam, cum hac operam dare) melius ad Appetitus Generationis satisfactionem, quàm cum aliâ quavis, conducet. Adeo ut hæc Opinio sive Imaginatio in Amanti, ratio sit cur Persona Amata ambitur, ac eo studio atque ardore, quo semper exagitantur ac perturbantur Amantes, concupiscitur.

Atque hinc fit, quod Decorî & Proceri viri, & qui bono temperamento, corporibûsq; ex justâ membrorum sym-

metriâ

metriâ compositis gaudent, in magno
plerumq; sunt pretio apud mulieres, &
pulchræ lepidæq; foeminæ vicissim
apud viros. Quippe quum certa sit in
Naturâ regula, omnes Facultates inter-
nas, plus minùs perfectas esse, secun-
dum quod temperamentum, Partiumq;
Corporis structura, ex quibus pendent,
plus minùs accuratè componuntur; &
quum accurata Corporis forma, cuncta-
rumq; ejus Partium constitutio, earun-
dem Facultatum perfectionis sint in-
dicia; ubi Sensus eminentiori modo
indicia patefaciunt, ibi animus Facul-
tates ipsas in æquè eminenti etiam gra-
du deprehendere non dubitat; ideòq;
eam, cui inesse videntur, personam
æquo ambitu atque ardore prosequitur.
Exempli singularis gratiâ; quum decus
et robur corporis in viro, sint Facultatis
Generativæ indicia; haud priùs hæc
signa perspiciunt mulieres, quàm, quid
significant rectè intelligentes, majore
benevolentia, honore, & affectu eos,
in quibus hæc enitent, quàm in quibus
non enitent, aut saltem non tam conspi-
cùè enitent, prosequuntur. Ab altera

D

autem

autem parte, quum temperamenti sua-
 vitas, commodus staturæ modus, &
 quicquid in hac voce *Formâ* comprehen-
 ditur, symbolum sit à natura Mulieri-
 bus impressum, quo de Facultatis in
 Generatione Passivæ bonitate in quavis
 muliere judicare possimus; haud citius
 hoc symbolum virorum patet oculis,
 quam quid sibi velit protinus intelli-
 gunt, ac deinde plus eas, in quibus hoc
 signum cernitur, mulieres, quàm in qui-
 bus tam ubertim non cernitur, colunt &
 diligunt.

Ad hujus veritatem confirmandam,
 præter rationes naturales hîc allegatas,
 experientia quoque habemus suffragi-
 um. Quippe quæ mulier unquam Spa-
 donis, cætera quamvis formosissimi,
 capta est amore? Imò, quæ mulier us-
 quam terrarum est, quæ virum, de cujus
 Facultatis Generativæ impotentiâ vel
 minimum fando audivit, clanculum
 non contemnit? Ab alterâ verò parte,
 ecquis unquam in affectu erga mulie-
 rem perseveravit, ubi illam, ut in Pro-
 creationis opus secum incumberet, in
 cæteris licet inter sexus sui compares
 for-

formosissimam, inhabilem esse compe-
 riit? Quo considerato, sentio me levi-
 ter suspicari, paucas esse conjuges, à
 maritis suis non impregnatas, quæ eos
 vel dimidio, quem præ se ferunt, amoris
 prosequuntur; ac æquè paucos esse vi-
 ros, qui à Conjugii sacris temerandis
 temperant, si de uxorum sterilitate jure
 conqueruntur. Quanquam enim pru-
 dentia eis suadet, ut Amoris sui furta ta-
 ceant atq; abscondant, tamen nisi mag-
 nâ virtutis vi cohibeantur, prolis ha-
 bendæ studium, ac virium suarum ex-
 perimentum, ferè eos ut varietatem af-
 fectent, impellent.

Jam verò, quum hoc ita sit, non diu-
 tiùs paradoxum fore spero, quod *Diversi*
Sexus indefinita concupiscentia (quæ gene-
 ratim *Libido* dicitur) & unius cujusvis
 istius *Diversi Sexus* personæ appetentia,
 (quæ plerumq; *Amor* appellatur) unus
 atque idem sit *actionis procreandi Appe-*
titus.

Attamen, ne aut videar nescire, unde
 hominibus oriatur occasio verum inter
 hos affectus imaginandi discrimen, aut
 phrasin aliquam vulgarem, qua diver-

fas suas proferunt sententias, innovare; non omitam innuere, quod quum hunc Appetitum damnamus, ignominiosum ei nomen *Libidinis* indimus, quum autem comprobamus, honesta voce *Amoris* convestimus; adeo ut Amor & Libido nihil aliud sint quàm diversa vocabula, quibus de uno eodémq; affectu diversas exprimimus sententias.

Neque prorsus mihi erit fraudi si adjunxero, *Diversi Sexus Cupiditatem*, non eâ animi delectatione, quâ hunc Amorem Personalem atque Determinatum, comitari; quum in illâ viri sibi ipsi, in hoc vero mulieri, quam amant, tantundem, si non ampliùs, quàm sibi perplacere cupiant; & quanto majorem Amasis suis ministrant voluptatem, tanto majori sibi sunt oblectamento. Hoc enim Sensuale Delicium non est, quum ea sit animi voluptas sive gaudium, quod in opinione, quam concipimus de potestate atque habilitate nostra quâ alteri placemus, (præsertim quam amamus) consistit; atque adeo effectus potiùs Charitatis (quæ est studium juvandi alterum, quod quod
desi-

desiderat obtineat, aut quod obtinuerit
gaudendi) quàm hujus inter Marem &
Foeminam, de quo nunc dissero, amo-
ris; igiturq; non obstat, quin Amor &
Libido unum idémq; sit, quemadmo-
dum probavi.

D 3

De

De AMORE

Platonico.

SUpereſt tantum, ut iſtius Amoris puritatem, quem, qui ſe à Senſualium Amatorum grege (*Platonico*rum titulo) ſejungunt, profitentur, expendamus: quod ut nullo Partium ſtudio ducti perficiamus, primum ut in ejus originem, ac dein in iſtius opinionis veritatem, quam hi (ſpecie ſaltem) tuentur, neceſſe eſt inquiramus.

Plato, in Dialogo ſuo cui titulus, *Convivium*, (cujus argumentum *Honeſtus eſt Amor*) *Socratem*, ſapientem, gravem, atque continentem Philoſophum, introducit, *Alcibiadis*, pulchri, ingenioſiq; juvenis ſocietate ſeipſum magnoperè delectantem, eumq; vehementi, ſed caſto amore proſequentem; nullo enim ſenſuali conſilio ducebatur; ſed ut eâ ſcientiâ, iſſq; quibus mens ſua erat gravida, & quarum *Alcibiadem* capacem

capacem esse sciebat, eum impregnaret virtutibus, & quas assiduis documentis, atque exemplo ei cupiebat infundere. Summa verò *Platonis* sententiæ, de hoc Amoris genere, hæc est : Quod vir, cuius mens sapientiâ atque virtutibus impletur, naturâ proclivis sit in aliquam pulchram, ejus ætatis ac indolis, personam disquirendam, charoq; affectu diligendam, in quâ crebris documentis, modisq; demulcendi familiaribus, gignat aut pariat eandem sapientiam & virtutes ; atque adeo quod permagnam in eo capiat voluptatem, quum ejus incitamentum sit perhonestum. Et hæc vera est *Amoris Platonici* Idea.

Jam, quoad hujus opinionis veritatem, licet honestum sit ignorantes docere, ac semina virtutis mentibus eorum infundere, qui licet foecundâ sint indole, ad bonos tamen fructus ea perducere hætenus nequiverunt ; & quamvis alta sit animi delectatio scientiam propagare, & efficere ut aliorum sapientia à nostræ sapientiæ bonitate seipsam derivet ; non mihi constat tamen, æquè validum atque naturalem sapien-

tium, ac proborum animis inesse affectum, ad imperitos, ac in vitia pronos conquirendos ac pelliciendos, ut istos etiam condoceant, suisq; similes reddant; quia experienciâ compertum est, paucos doctrinâ & prudentiâ præstantes, tam sui communicandi liberales esse, ac *Plato Socratem*, saltem ex purâ ac ingeniâ proclivitate, fuisse refert; sive qui non nisi formosos ac juvenes sibi seligunt discipulos, quum corporis pulchritudo non semper sit bonæ indolis ad scientiam ac virtutem indicium; & plures in utroq; qui Corporis decore non fuerunt ornati, insignes eminuere.

Veruntamen dato, sententiam, quemadmodum tradit *Plato*, undequaque veram esse; tamen hæc proclivitas, sive ignorantix vitiq; evellendi, ac sapientix virtutisq; in animo alterius inserendæ studium, revera nihil aliud est quam *Charitas*, (quæ generosus est affectus, quo aliis tanquam nobis adesse atque prodesse volumus & avemus) atque adeo nil in se habet istius in Diversum Sexum Amoris, de quo jam loquuti sumus.

sumus. Porro, si Amor Honestus Socratis idem sit quod nostra *Charitas*, (ut liquidò constat) cur sodes aut Amor honestior, aut *Charitas* major non esset, animis eorum virtutibus, ornamentisq; perpoliendis, qui corporis gratiarum sunt expertes, dare operam; quàm hisce, qui gratias intrinsecas eo minoris æstimant, quo plus possident extrinsecarum, *quum Charitatis mensura semper sit indigentia?* Proinde, licet *Socrates* potuerit esse *continens*, non ideo sequitur, omnes istius opinionis sequaces fuisse *continentes*, teste *Pedagogo* in *Petronio Arbitro*, ac multis aliis, de quibus me pudet referre. Insuper, quanquam omnes *Platonis* discipuli in hac parte *continentes* erant, eorum tamen amorem *prurum* & à sensualibus rationibus undequaque immunem fuisse, non est necessarium; quia (ut *Philosophus* nostri seculi facile Princeps egregiè animadvertit) *Continentes affectum quem continent, equè, imò magis, quàm qui Appetitum suum satiant, habent.* Verùm, posita *Platonis* opinione, videamus quàm bene iste Amor, quem *Platonici* nostri *Moderni*

eâdem comprobari posse jactant, cum eâ cohæret.

Primum nostri Platonici Diversi sunt Sexûs, quum *Socrates*, ejûsq; *Amasius Alcibiades*, uterq; essent Mares. Secundò, nostri plerumque juvenes, & in canicularibus sive æstuantibus vitæ annis; *Socrates* autem senex, & à lascivarum cupidinum incitamentis emeritus. Tertiò nostri, ab illa sapientia, iisque, quæ ad ejusmodi præstantias in aliis procreandas postulantur virtutibus, plerumque procul absunt. Rursus, nostri, ut discant, non doceant, amare præ se ferunt: & *Platonicus* (quidem) voluptatem, quam ab altarum virtutum Ideis, quas indies in Platonicâ comperit, contemplandis percipit, nunquam desinit admirari atque prædicare; dum illa (pròpiam Amiculam!) animi ejus ornamenta æquâ admiratione alternat; ubi revera hæc ornamenta atque virtutes tam in abditum premuntur, ut nemini, præter ipsos, in alterutro pateant. Postremò, nostri (maximè verò *Fœnæ*) connubio junguntur aliis, atq; adeo virtutem (si vel tantillum iis superest) potius

potius in maritis suis ac liberis, quàm in advenis & hospitibus, propagare deberent. Sed eheu! hi flocci penduntur, præ nobili Amatore, qui unus sapientior ac melior fieri meretur. Complures alias commemorare possem discrepantias; sed istæ tibi sufficient, ut quam ingens sit disparitas, inter *Platonium* Priscorum Amorem, & Modernum Puritanicorum Amatorum, perspicias; & quantâ injuriâ vel *Socratis* exemplum, vel *Platonis* auctoritatem, quod sibi patrocinentur, usurpant. Spero igitur probos & cordatos viros haud indignè laturos, si audeo (salvâ benevolentia illâ nobili, quæ Amicitia dicitur) suspicari, hunc affectum Platonium nihil aliud esse, quàm speciem honestam ad Appetitum Sensualem contegendum, & (reverà) isti amori, qui Matronam nostram *Ephefiam* militi tam ftilem ac tam blandam reddidit, cognatum. Ad quem, ni fallor, nobis jam licebit redire, nullâ illi illatâ molestiâ, quo minùs voluptatibus, ad quas in finto *Dominæ* capiendas eum vidimus se accingentem, (ubi solatio suo maritus

cos

eos reliquimus) tranquillè perfruatur.

Ecce Affectuum diversorum æstus, qui in fluxa hominis mente agitata atque crucianda vices suas reciprocant! En Fortunæ inconstantiam, quæ jam frontem corrugat, tergumq; obvertit ei, cui vel unâ ante horâ visa est abblan-
diri, & lectissimas suas gratias indulgere! vel, ecce potiùs Fatorum methedum, quæ nos tantâ Dulcis & Amari mixturâ excipit, ut nulla sit sincera voluptas; quæ (Medicorum instar) pauca habet refrigeria sine veneno, & quæ nos raro epulatur, quin nos aliquid Secundarum Dapum delibare cogat, quod nausæ & dolore, deliciosissimos primarû bolos è vestigio nos faciat revomere. Ut enim ad militem revertamur, quem non multis abhinc momentis in tanto lætitiæ ac voluptatis statu reliquimus, ut *Cæsar* ipse, si cum conspexisset, haud potuerit, quin ejus felicitati invidisset, ac seipsum in ejus loco optasset; majorem in illo, quàm ille paulo ante in desperabunda Matrona effecerat, mutationem offendimus, acriùsq; eum vide-
mus

mus luctantem, ut sibi ipse sit exitio, quàm nuper ut illi esset saluti. Metus, ira, furor, atque desperatio, ut illum insanum reddant, conspirant. Modò oculos rabie fulgurantes tollit, pectus ferit, capillos scindit, solum pedibus tundit, omnesq; viri in extremam demerentiam repentino ac violento impetu rapti, induit gestus. Modò stat immotus, tacitus, defixisq; in terram oculis, ac fr̃ infernos manes, quid de seipso statuatur, consuleret. Tum subito percussus, rutilantia circumvolvitur lumina, caput concutitur, velut cordis sui fibras diffunderet, gemit, & in breves ac male coherentes, sed desperatas, vociferationes erumpit. Cœlum ipsum incusat; Fatum, ut se miseriorem reddat, implorat; Fortunæ suam inconstantiam exprobrat; Siderum malevolentiam diris proscindit, ac Numini renuntiat. Nunc seipsum negligentia damnat; nunc insontem mulierem, ut infausam ærumnæ suæ causam, intuetur, ac tum in veram ac primariam calamitatis suæ originem se incidisse ratus, omnifarias pestes, dirissimâq; mala totius Sexûs ca-

capitibus imprecatur; denique hujusmodi maledicta in eas evomit.

Proh *Fœminæ, Fœminæ!* (inquit) quare vos finxit Natura, nisi perfectionis à se homini datæ pœnitens, vos ejusdem minuendæ invenerit instrumenta? Quippe homo, qui alioquin plusquam Semideus esset, solùm quod pravis *Fœminæ* illecebris est obnoxius, semihomine fit minùs. Ecquid mali ei unquam obvenit, cui mulier non interfuit? Ecquid sceleris unquam admisit, ad quod eum illa non pellexit? Ecquid *Tragœdiæ* in mundi theatro unquam exhibitum est, in quo mulier *Personam* non gessit? Ecquid bellorum, ecquid devastationis, ecquid pernicipis, quod ex isto pestifero sexu non est exortum? Quot validæ Gentes, quot florida Regna, quot prosperæ Respublicæ, quot populosæ Civitates, nobilesq; Familix, mulieris sive malitiæ, seu superbiæ, aut libidini, suum debuerunt exitium? Quid estis Mulieres, nisi innocentix ac pacis virorum virus, splendidâ à Naturâ superficie deauratum, quo minori suspicione deglutiamus? Omnes puchritudines,

chritudines, omniâq; fascina vestra, malorû Sodomiticorum sunt instar, quæ venustis ac illecebrofis fulgentia corticibus, nihil aliud quàm putidum in se habent pulverem: Vos veræ Sirenes estis, quæ vocis vestræ melodiâ nos incantatis, dum belluinæ servitutis catenis tenetis captivos. Vos veræ Hienæ, quæ pellis vestræ pulchritudine nos allicitis, & stultitiâ nostrâ in complexum vestrum tractos adorimini atq; devoratis. Vos sapientiæ insidiæ, industriæ impedimenta, honoris obstacula, fortitudinis mollimenta, tranquillitatis turbamenta, virtutis remoræ; ac ad omne genus vitia, impietates, & perniciem, nos agentes stimuli. Vos stulti Paradisus, sapientis pestis, atque ingens Naturæ mendum! Quid dicam? verba mihi desunt ad vestram pravitatem exprimendam, prout defuit ratio ubi pedem in hunc infestum, hunc funestum locum intuli.

Eructatâ hoc modo hac virulentâ In-
vectivâ in insontes ac miseras mulieres,
(quæ verba ab eo longè meliora mere-
bantur) animi ejus ferocia (quæ quic-
quid obvium est prendit) circumagitur,

& quod reliquum est bilis in seipsum
sic evomit.

Quis Cacodæmon mihi author fuit,
ut munia mea desererem, eūq; ducem
in hoc Ossarium sequerem? Ubinam
erat boni mei Genii cura atque vigilan-
tia, quando me passus est in hanc fune-
stam fornicem seduci? utinam in Leo-
num ac Tygridum lustrum decidissem,
quum in hanc mulierem incidi. Tunc
enim innocuus & nullo dedecore inqui-
natus expirassem, quando nunc facinus
admissi, cuius piaculum infamis & certa
mors erit, nisi ictu Justitiæ declinato,
ipse mihi carnifex fiam; quod quum
solum relinquatur calamitati meæ per-
fugium, quid moror ignavus, quin sta-
tim ad illud properem? Quid pigris ac
inutilibus quereimoniis tempus illud in-
sumo, quo, ut ex ultimi infortunii dis-
crimine mihi impendentis meipsum eri-
piam, ut plurimum mihi opus est? Mo-
riendum enim mihi erit ex sententiâ
Magistratûs; quid ergo meâ manu oc-
cumbere moror? Quippe ab extrema
ac inevitabili alioqui calamitate, mor-
tem sibi consciscendo, seipsum vindi-
care

care, scelus profectò non est, sed potius heroicæ fortitudinis facinus. Stat igitur sententia, suspendii ignominiam meo gladio prævertere, ac impetu ad necem pandendo aditum, infamiæ publicæ obviam ire.

Hic sævis dictis, juxta ac vitæ, periodum impositurus, ferrum repente stringit, & capulum humi defixurus, ut cuspidi incumbat, opportunissimè à *piâ Matronâ* inhibetur; quæ toto tempore furoris ejus causæ ignara, ad impetuosos istos effectus summo stupore steterat attonita; adeo ut ex omnibus istis probris, quibus integrum sexum ejus prosciderat, nè vel unum verbum animadverterit; sed mox viso ferro, ex stupefaciente, quo correpta erat, paroxysmo expergefacta, brachiis ejus se implicat, & partim manus ejus comprimendo, partim osculorum suorum fascinis, lacrymis, ac precibus, rabiem ejus eousq; compescit, ut propriæ cædis patratio, saltem dum integram illi de necessitate ejus præbeat rationem, haud invitus protrahere videatur. Itaque compendio ei nuntiat, cujusdam suspensi corpus, cui ipse

ipse custos demandatus erat, patibulo surreptum esse atq; ablatum; ejusmodi necis poenam sibi, sociisque suis, (qui totum munus suæ curæ atque vigilantiae delegarant) Dynastæ edicto renuntiatam, sibi certam ac inevitabilem impendere, nisi seipsum occidendo, evadat. Siquo benevolentiae sensu hominem tam undequaque ærumnosum, ac se hoc ferali casu factum, prosequitur, nullam reliquam esse viam, quâ eum ostendat, quam ut copiam sibi faciat publici supplicii ignominiam avertendi, seipsum clanculum vivis subducendo. Quinetiam nonnihil sibi fore voluptatis in hac sua calamitate, quod corpus suum in eundem, in quem prioris ejus Amatoris pulverem, de cujus singulari dignitate tam honesta fama percrebuerat, reliquerit dissolvendum. Atque hoc modo funesti sui consilii causâ ei raptim patefactâ, rursus manus suas ex digitis ejus tenacibus extorquere tentat, ut idem ad exitum protinus perducatur.

Sed heu clemens & misericors Matrona! Major est affectus ejus, quàm ut quicquid ad Amantis interitum condu-

ut fieri patiatur: atque adeo quo acrius ille luctatur, ut pectus ejus à pectore suo divellat, eo pressius illa inhærescit; addito quoque sacramento, nullum eum sibi vulnus se passuram inferre, quin prius per suum corpus adegerit mucronem. Denique, se tantæ miseriæ haud superfuturam, ut tam charum sibi virum tam citò, idq; eodem in loco, in quo eum inopinatò offendendi ei contigerat felicitas, amittat. A se ipsa cautum esse sibi, ne ejus vitæ adimendæ assentiatur, à quo nuper & miraculosè consultum erat suæ, & à quo (nisi valdè hallucinatur) novam sibi vitam acceperat infusam. Minori sibi esse dolori, eum morte præire, quàm superesse, ac duorum simul cadavera cernere, quorum alterutrum vel ipsa vitâ suâ longè habuerat chariorem. Postremo, necem, quam à carnifice metuit, tam inevitabilem non esse, quàm ille ex terrore sibi persuasum habet, ideóq; aliter quàm se ipsum jugulando eum vitæ suæ posse prospicere; atque adeo si sibi monenti vult auscultare, non dubitare se, quin eum doceat, quo pacto suæ salutis juxta con-

consalat, ac votis utriusque satisfaciat. Novissima hæc clausa, quam quæ ante dixerat omnibus, efficacius flexus miles, ac vetus illud adagium, *quod mulieres in effugiis angustisq; improvisis, longè sunt viris solertiores atque ingeniosiores*, in mentem revocans, facile promittit, (& quis in ejus loco constitutus non promississet?) non solum ejus consilio se aures præbiturum, sed pariturum etiam, modò rationi videatur consentaneum.

Agè ergo (inquit pia *Matrona*) quum Optimi & Maximi mortalium corpus, postquam anima quæ ipsi vitam, sensum, ac motum largita est, excessit, nihil aliud sit quàm luti congeries; quum omnes consanguinitates atque affinitates deleantur, omnis pietas in sepulchro condatur; imò, quum charitas sit (necessitate id postulante) defunctorum reliquiis ad vivorum salutem uti, cur ego non desinam, ex superstizioso ritu, putrescens Mariti mei cadaver cultu posthumo prosequi, ac demum in amici mei superstitis, cujus vita cum mea arctissime connectitur, ac cujus periculum idcirco æquè meum est, usum salutiferum

incipiam convertere? Euge ergo, me-
um Delicium! Mariti mei corpus ex
arca efferamus, ac in suspensi loco,
quem surreptum esse dicis, patibulo
suffigamus. Mors (non nescis) vultum
tantoperè mutat ac deformat, ut nè à fa-
miliarissimis quidem agnosci possit.
Quis igitur hoc nudum cadaver ab illo
distinguet? Præterea, faciem ejus sanie
ac coeno oblinemus, ac potius quàm
quovis lineamento sit dissimile, brachia
ejus & crura frangemus, eadèmq; ei,
quæ latronis corpori carnifex, vulnera
infligemus; adeo ut vel proximi ejus &
consanguinei, multo minus externi,
(qui fera curiositate ducti, tam horrenda
spectacula oculis pervagantur, & ple-
rumque procul absistunt) nullum discrimen
deprehendere possint. Commen-
tum hoc mulieris, quo sibi consular,
mox probat miles; & quum nihil sit
temporis (jam enim appetebat Aurora)
reliquum ad ejus amoris magnitudinem,
sive ingenii felicitatem collaudandam,
vires suas cum ejus viribus conjungit, &
viri corpus è Crypta ad Furcam aspor-
tat, esq; eodem, quo latronis relinque-

res modo suffigit; nulla parte lineamen-
torum, quæ ad spectatores deludendos
postulantur, omissa. Quo facto, ipse ac
præstantissima ejus Domina ad tenebro-
sum suum cubile clam se recipiunt, non
de præsentī tantam incolumitate, sed de
modo etiam, quo mutuam illam, quam
Fortuna tam inopinatè inter eos auspi-
cata erat, beatitudinem perpetuarent,
consultaturi. Atq; dum illic deliberant,
hæcat mihi foetum, quem animo con-
ceptum gero, parturire; qui est, quodd
ingeniosum hujus Matronæ commen-
tum, tam derepente ac in re desperata
excogitatum, illud ipsum fuerit, quod
ortum dedit huic adagio,

*Muliebre ingenium in summis an-
guinis semper est optimum.*

F I N I S.

Errata.

*Lib. p. 21. l. 22. lege concinnavant. Lib. p. 21. l. 22.
dinturniarum. p. 9. l. 8. l. præ-
p. 16. l. 23. l. vini.
p. 16. l. 24. l. quæ. p. 31.
p. 16. l. 24. l. alterum.*

n-
os
ac
o-
on
de
m
i-
it,
it,
HO
od
n-
ta
od
P
n-

e
e
i